

CONCURSO DE COMPARSAS CONCELLO DE MUROS. ENTROIDO 2020

Bases reguladoras do concurso de comparsas organizado polo concello de Muros no Entroido de 2020.

Artigo 1. Finalidade e obxecto

É obxecto destas bases reguladoras fixar para o exercicio 2020 o réxime de concesión de Premios do Concurso de Comparsas organizado polo Concello de Muros, o domingo de Entroido, co fin de promocionar unha das Festas populares de maior interese da comarca, conforme o procedemento que de seguido se establece.

Artigo 2. Solicitantes/ Beneficiarios

Poderán participar tódalas entidades, grupos de persoas, mínimo de 5, e individuos que o desexen, que cumpran os seguintes requisitos:

Entidades: Estar legalmente constituídas, presentar a solicitude de participación no lugar e prazo establecido nestas bases e achegar a documentación que se lle require

Grupos non constituídos legalmente: Acordo de constitución da agrupación, NIF dos seus integrantes, solicitude de participación presentada en prazo e forma e documentación que se lle require

Persoas a nivel individual: NIF do interesado, solicitude de participación presentada en prazo e forma e documentación que se lle require

Artigo 3. Condicións

Establécense tres categorías, segundo o número de participantes:

Individual, de 1 ou 2 persoas

Grupos, de 5 a 14 persoas

Comparsas, a partir de 15 persoas.

Os beneficiarios que resulten premiados deberán cumprir os requisitos e obrigas establecidos nos artigos 13 e 14.c da Lei de subvencións

Artigo 4. Procedemento

O procedemento de participación no Concurso de comparsas Entroido 2020, organizado polo concello de Muros será de concorrencia competitiva. Os premios determinaranse establecendo unha prelación consonte as puntuacións acadadas, atendendo aos criterios de valoración definidos nestas bases.

As bases publicaranse na Base Nacional de Subvencións, no BOP e na páxina web do concello e a resolución dos premios no taboleiro de anuncios e na páxina www.muros.gal

Artigo 5. Documentación

As solicitudes deberán formularse nos modelos normalizados que se facilitarán no Centro Cultural e Xuvenil de Muros, no Rexistro do concello ou na páxina web www.muros.gal.

Achegarase tamén a seguinte documentación:

· En caso de entidades:

Copia do CIF / Copia do DNI do representante / Certificado de número de conta da entidade/ Compromiso responsable de respectar as normas deste Concurso, así como de que os seus participantes en conxunto se farán cargo de calquera estrago ou lesión que poidan provocar durante a celebración do concurso a calquera outra persoa participante ou do público/ Declaración responsable de non estar afectada por ningún dos supostos de incapacidade ou incompatibilidade para a percepción de axudas ou subvencións públicas e estar ao corrente das súas obrigas coa Axencia Tributaria, co Concello, coa Seguridade Social e coa Facenda do Estado

· En caso de grupos non constituídos legalmente:

Acordo de constitución da agrupación/ NIF dos integrantes, nomeando un ou máis representantes/ Certificado bancario do número de conta do/os representante/es a quen se lles ingresará o premio/ Compromiso responsable de respectar as normas deste Concurso, así como de que os seus participantes en conxunto se farán cargo de calquera estrago ou lesión que poidan provocar durante a celebración do concurso a calquera outra persoa participante ou do público/ Declaración responsable de non estar afectada por ningún dos supostos de incapacidade ou incompatibilidade para a percepción de axudas ou subvencións públicas e estar ao corrente das súas obrigas coa Axencia Tributaria, co Concello, coa Seguridade Social e coa Facenda do Estado

· En caso individual:

Copia do DNI / Certificado de número de conta da persoa solicitante/ Compromiso responsable de respectar as normas deste Concurso, así como de facerse cargo de calquera estrago ou lesión que poida provocar durante a celebración do concurso a calquera outra persoa participante ou do público / Declaración responsable de non estar afectada por ningún dos supostos de incapacidade ou incompatibilidade para a percepción de axudas ou subvencións públicas e estar ao corrente das súas obrigas coa Axencia Tributaria, co Concello, coa Seguridade Social e coa Facenda do Estado

Artigo 6. Lugar e prazo de presentación de solicitudes

• 6.1. Presentación ordinaria:

As inscricións das Comparsas ou Grupos farase no Rexistro do Concello de Muros ata o 20 de febreiro en horario de 09:00 a 14:00 horas, na sede electrónica do concello (sede.muros.gal) ou por calquera dos procedementos previstos no artigo 16 da Lei 39/2015 de 1 de outubro de Procedemento administrativo común das Administracións públicas, neste caso deben remitir copia ao fax 981762257. Nas inscricións, cada comparsa ou grupo ten que nomear un representante, do que aportarán nome completo, NIF e teléfono de contacto

• 6.2. Prazo de presentación:

- O prazo de presentación das solicitudes será ate o **20 de febreiro 2020**.

Artigo 7. Condicións do Concurso

Non está permitido utilizar animais vivos, elementos pirotécnicos, nin inxerir bebidas alcohólicas durante todo o Concurso.

As comparsas, grupos e persoas participantes deberán de presentarse na Virxe do Camiño o día 23 de febreiro ás 16:45 horas, xa debidamente ataviadas. A orde de participación será primeiro os disfraces individuais, logo os grupos e últimas as comparsas; e dentro de cada categoría a inversa que a orde de inscrición.

O desfile dará comezo ás 17:00 h dende a Virxe do Camiño ata o Curro da Praza, Muros; e deberá seguir o ritmo e percorrido que marque a charanga que encabece o desfile.

A actuación de cada comparsa no palco non poderá exceder os 10 minutos de duración, e a dos disfraces individuais de 5 minutos.

As dimensións máximas permitidas de ancho das carrozas é de 2,5 metros.

Os participantes que conten con coplas ou murgas teñen que entregar unha copia das mesmas antes do comezo do desfile.

En caso de condicións climatolóxicas adversas, o Concurso poderá aprazarse para outra data.

Categoría INDIVIDUAL		Categoría GRUPOS		Categoría COMPARSAS	
1º PREMIO	200 €	1º PREMIO	500 €	1º PREMIO	1.100 €
2º PREMIO	100 €	2º PREMIO	250 €	2º PREMIO	600 €
3º PREMIO	50 €	3º PREMIO	125 €	3º PREMIO	300 €
4º PREMIO	50 €	4º PREMIO	100 €	4º PREMIO	150 €

Artigo 8. Premios/ Contía

Os premios a outorgar, con cargo á partida orzamentaria 338.48001, son os seguintes:

O Xurado poderá declarar deserto algún premio se considera que os participantes non reúnen a calidade precisa; e poderán destinar o seu importe a outra modalidade como accésit.

Artigo 9. Resolución dos premios

A concesión dos premios será aprobada por resolución da Alcaldía, vista a acta/ proposta do Xurado do Concurso, composto polos seguintes membros:

- Presidenta: alcaldesa do Concello de Muros, ou concelleiro/a en que delegue.
- Secretario: secretaria municipal, ou funcionario/a no que delegue, que participará con voz pero sen voto.
- Vogais: tres traballadores/as da Administración local.

O prazo para ditar esta resolución será de dez días naturais dende a celebración do Concurso.

9.1. Valoracións

A puntuación das propostas participantes obterase da media das puntuacións de cada membro do xurado valorando os seguintes criterios:

Creatividade, idea singular, invento e criterio artístico dos disfraces: 10 puntos

Caracterización, ou logro ao representar a idea, dos seus compoñentes: 10 puntos

Desfile, interpretación, gracilidade, simpatía, durante o desfile: 10 puntos

Posta en escena e música, no escenario: 10 puntos

Carroza, dificultade do traballo e concordancia co tema: 10 puntos

Materiais empregados, respectuosos coa tradición e o medio ambiente: 10 puntos

Murgas ou coplas, temática, rima e métrica das estrofas e gracia dos/as intérpretes: 10 puntos.

9.2. Notificación e publicidade da resolución

O fallo do Xurado darase a coñecer ao remate das actuacións no palco.

A resolución de concesión publicarase no taboleiro de anuncios do Concello de Muros e na súa páxina web www.muros.gal. no prazo de dez días naturais, dende a celebración do Concurso.

Artigo 10. Xustificación

Será documento xustificativo suficiente a acta do Xurado do Concurso, debidamente asinada polo secretario/a e tódolos seus membros, con indicación da relación de participantes e as puntuacións acadadas por cadansúa.

Artigo 11. Pagamento

Os pagos dos premios efectuaranse por transferencia bancaria, no número de conta que indiquen na solicitude, no prazo máximo de un mes despois do concurso, con cargo á partida orzamentaria 338.48001

Aos pagos que superen os 300 euros aplicaráselle a correspondente retención, segundo o regulamento do IRPF

De conformidade co artigo 11 da Lei xeral de subvencións poderán acceder á condición de beneficiario as agrupacións de persoas físicas ou xurídicas, públicas ou privadas, as comunidades de bens ou calquera outro tipo de unidade económica ou patrimonio separado que, aínda carecendo de personalidade xurídica, poidan levar a cabo a devandita actividade.

Cando se trate de agrupacións de persoas físicas ou xurídicas, públicas ou privadas sen personalidade, deberán facer constar expresamente, tanto na solicitude como na resolución de concesión, os compromisos de execución asumidos por cada membro da agrupación, así como o importe de subvención a aplicar por cada un deles, que terán igualmente a consideración de beneficiarios. En calquera caso, deberá nomearse un representante ou apoderado único da agrupación, con poderes bastantes para cumprir as obrigas que, como beneficiario, corresponden á agrupación. Non poderá disolverse a agrupación ata que transcorrese o prazo de prescrición previsto nos artigos 39 e 65 desta lei. No caso de non especificar o reparto de compromisos entre cada membro e o importe da subvención a aplicar a cada un deles imputaráselle todo ó representante.

A participación neste Concurso supón a total aceptación destas Bases.